



Toluen

o drom ki
ki o problemi

So dikhes?
Se av ke amende.



So ode keren?





Nasalas adad'ive andre sikl'ard'i?

Hmmm

Šunes man?

Ehmm?

Džanes hoj amenge lena o love?
U kaj salas?

Imar naikerav avri.

Rosnes mange,
dukhal man
o šero.

Pal e aver ora
denašava.

Te maj
naharangozinena,
merava adaj.

Mek aňi pre odi tabul'a
nadodikhav.

No, ade sal.
O treneris pal
tute phučelas,
hoj so tuha hin.

So diliňal'ijal?
Imar sal sa
avri khoslo?
Nacirde ajci!

So pes starines?

Ispid tut varekaj,
dilinoro.

Šun, le Mišoske
o dad dochudl'a
motoris. Rat'i
džas ko Nevejzis.

Aves amenca?

So andre tute cird'al?

Ko sal?

Šunes man?

Khatar tut hin motoris.

Hin tut baro
problemos, muršeja!

Ačheha andre bertena.

Denašas, čhavale.
O phandle adaj.



O dživipnasko drom na musaj te resel o kirko agor,
dosta hin te phenel le drogenge NA!

Paš o toluen našaves e god'i a murdarel

Mol frimeder sar aver drogi, no leskere učinki hine džungale. O toluen hino priesvitno pañi, savo rozmukel o farbi the o laki. Kadi chemikalija andre peste cirden o čore manuša khatar o Slovačiko. E droga pes del te cinel andro boti, lakeri konzumacija hin igen rosñi pre kal o manuš, ačhel upre zavislo.

Maťibnastar ki o halucinaciji.

Sar cirden o toluen avel oleha e euforija the dikhen aver visard'i realita. Paš leskero kidipen pes šunen lošales, maťaren pes, šunen e visard'i realita, o iluziji the halucinaciji. E droga hiñi igen zorali u aven laha but visaribena:

- ☐ Marel o jilo
- ☐ O Potos
- ☐ Phares pes andre peste cirdel o luftos
- ☐ Baron o popki andro jakha
- ☐ Hučinel andro kana
- ☐ Dukhal e d'ombra- o šero
- ☐ O manuš šunel aver saga andro nakh

Kampel te del o jekhto pomožipen

E inhalacija vaj te cirden andre peste o toluen pes šaj igen visarel pro rosno. O konzumenta- o manuša save la kiden nadžanen dži keci hin e droga „bidarangutñi“, kamen hoj mi ikerel buter. Te o manuš odperel, vaj našt'i te cirdel o luftos andre peste, kampel les te del o jekhto pomožipen. Nekhbuter pes ačhel hoj kajse manušestar o amala denašen. Mind'ar pre leste kampel te mukel žužo luftos u te del les umelo saga, te na čhandel u kampel te vičinel e zachranka pro gindo 155 vaj 112. (šel pendapandž, šel dešuduj)

Aver učinki o meriben

O toluen hino rosno. Le aver drogendar save mosaren o telos, hino o toluen rosner u oda le jekhte kidipnaha. Nekhbuter mosa'ol o jilo, savo šaj preačhel te marel. O chemikaliji šaj keren hoj tašt'ona, nekhbuter hin o poleptañje la cipake, mujeskeri duťina, nakheskeri sliznica the aver organi.

O toluen tuke khosela savoro andal e god'i, našaveha e pameť, phareder pes vakarel, mosarel o vnimañje the e god'ipnaskeri sustava. Le toluenostar ačel o šero „čučo“ o manuš perel tele a chudel až demencija.

Mosarel o bubreški, o imonutno sistemas, visarel o rat andro manuš. Dukhal o šero, svali, ačhel izdrado, epilepticke zachvati.